

HERRIEN ESKUBIDEEN ALDEKO KONFERENTZIA

Ideologien gainera eskubideak

EUSKAL DIASPORAREN TAILERRA. Udalbiltzak antolatutako konferentzia euskal diasporak toki berezia izan zuen atzo.

Axun Erribengoa | DONOSTIA

ORDEZKARI UGARI

Euskal diasporak leku berezia izan du Udalbiltzak ostiralean hasi eta gaur amaituko duen Herrien Eskubideen Aldeko Nazioarteko Konferentzian. Egitarau nagusian sartutako hitzaldi eta mahai-inguruez gain, tailer berezia egin zen atzo goizean Kursaleko areto batean diasporari buruz. 50 lagunetik gora izan ziren bertan, eta euskal diasporaren egoera, antolaketa motak, etorkizuna, eta bizipen propioak entzungai izan ziren. Ideologien gainera eskubideen alde indarrak bildu beharra, edota Euskal Herrian gertatzen denaren berri zuzena emateko sare bat osatu beharra dira han aipatu ziren ideia garietatik bi.

Goizeko 09:00etan hasi zen tailerra. Xarlo Etchezaharreta Udalbiltzako Batzorde Eragileko kidea izan zen gidari. Diaspora euskal lurraldearen zati bat dela esan zuen, eta beraz, Euskal Herriko prozesuan parte hartu behar duela. Eskerrak eman zizkien, Londres, Mallorca, Katalunia, Madril, Zaragoza, Paris, Uruguai, Argentina eta Ekuadorretik tailerrean parte hartzera etorritako lagunei.

Idahotik helarazitako mezu bat entzunez hasi zen saioa: Miren Artiach, Pete Cenarrusa Idahoko Estatuko idazkari ohia- ren idazkariaren mezua zen. Idahoko Kongresuan eta Senatuan duela hilabete batzuk onartu zuten Euskal Herriko au-

Tailerrean ziren, Londres, Mallorca, Katalunia, Madril, Paris, Zaragoza, Uruguai, Argentina eta Ekuadorretik etorriak

todeterminazioaren aldeko idatzi bat, eta hari buruz mintzatu zen. «Autodeterminazioa egia bihurtu dadin Euskal Herrian bizi direnek elkarrekin lan egin behar dute», adierazi zuen.

Geroztik beste bi ekarpen nagusi izan ziren, Daniel Bilbao kazetari argentinarrek egindakoa, eta Antton Izagirre Tolosako alkateak eginikoa. Azken hori, Udalbiltzak diasporari egini-ko ekarpena. Bata eta bestearen artean, ordea, parte-hartzaileek euren txanda izan zuten, diasporatik etorriek, eta baita Euskal Herri- bertatik hurbildutakoek ere.

Iritzi ugari eta desberdinak

Euskal diasporaren konplexutasuna eta diaspora osatzen duen multzoaren artean dauden desberdintasunak aipatu zituzten. Txileko eta Euskal Herriko nazionalitateak dituen gazte batek eta Venezuelako beste batek, diasporako kideen kontraesanak aipatu zituzten. Kasu batzuetan, Euskal Herriarentzako egiten dituzten aldarrikapenak bizi diren herrietan duten jarrerarekin ez datozela



IMANOL OTEGI / ARGAZKI PRESS

Diasporari buruzko tailerrean 50 lagunetik gora izan ziren, tartean diasporatik etorritako ugari.

EKARPENAK

DANIEL BILBAO KAZETARIA

Diasporako abertzaleak batzeko ahaleginaren beharra

Daniel Bilbao argentinarrek Internetek euskal diasporari eman dion bultzada nabarmendu zuen bere hitzaldian. Bilbao kazetaria eta idazlea da eta Diaspora Vasca elkarte-ko kidea.

Diasporaren barruan sektore bat instituzionalizatua dagoela esan zuen. Euskal etxeekin lotu zuen sektore hori eta «ekonomikoki nahiz ideologikoki EAEko Jaurilaritzaren menpe» dagoela esan. Bestetik zentro horietatik kanpo gertatzen den «masa handi» bat dagoela esan zuen. «Diasporaren zeregina euskal kausaren *lobby* bihurtzea da, tresnak eskuratzea, euskal etxeen parte hartzea bultzatzea eta diasporako abertzaleen batasuna bultzatzea. Hori guztia Udalbiltzarekin elkarlan estuan», adierazi zuen.

bat adierazi zuten. Bere burua Batasuneko kide gisa aurkeztu zuen euskal herritar batek azalduenez, kontraesanak erabat ez gaingitu arren, gutxieneko batzuk bilatu behar dira elkarrekin lanean aritzeko. Hala ideologiak alde batera utzi eta eskubideen arloari heldu behar zaio bere ustez. Eskubideen defen-

tsaz gain lurraldetasunaren garrantzia aipatu zuen.

Diasporaren inplikazioa bilatzeko moduei buruz, urte askoz Mexikon biziutako lagun batek proposatu zuen batzordeak osatzea diasporako herrialdeetan. Batzorde horien eta tokian tokiko diasporaren egitekoa litzateke herrialde horretako

UDALBILTZAREN EKARPENA

«Munduko euskaldunen arteko sarea sortu behar da»

Antton Izagirre Tolosako alkateak Udalbiltzaren izenean hitz egin zuen Euskal Herri-ri diasporari egin diezaiokeen ekarpenari buruz. Euskal Herrian bizi diren herritarrek eta diasporan bizi direnak, guztiak, eskubideen jabe direla esan zuen: «Eskubideen defentsan elkarrekin aritzea dugu bidea». Ildo horretan «auzolana» egitea proposatu zuen.

Diasporaren ekarpena garrantzitsua dela iritzio dio, «autodeterminazioa gauzatzeko indar erabakitzailea izango da». «Munduko euskaldun guztion arteko sarea osatu, elkarlan zehatzak ireki eta diaspora herrietara hurbildu behar da». Udalbiltzaren konpromisoa sare hori osatzea dela esan zuen eta udaletxeek euskal etxeekin harreman zuzena abiatzea proposatu.

zenbait sektoreri Euskal Herrian gertatzen dena zuzenean helaraztea. Bere iritziz, informazio zuzena jasotzea oso garrantzitsua da.

Arazo politikoaren gainera auzo kulturala jartzea, eta ideologiaren gainera Euskal Herria dagoeneko ideia izan ziren beste batzuk.

EUSKO JAURLARITZA

GOBIERNO VASCO

HEZKUNTZA, UNIBERTSITATE
ETA IKERKETA SAILADEPARTAMENTO DE EDUCACION,
UNIVERSIDADES E INVESTIGACION

HAUTESKUNDE SINDIKALAK

Hautesleen behin-behineko errolda lurralde bakoitzeko Hezkuntza, Unibertsitate eta Ikerketa Sailako ordezkari- zetan dago ikusgai. Halaber, interesaturik dauden errolda hori ezagutu ahal izango dute **beren ikastetxeetatik** ondorengo zuzenbide elektronikora jotzen badute:

www.hezkuntza.jakina → Langileak

www.hezkuntza.jakina → irakasle.net (Irakaslegoa)

Errolda horren aurka erreklamazioak aurkezteko epea datorren 2002ko abenduaren 11n amaitzen da.

Astigarragako Udala
IRAGARKIA

Udal Osoko Bilkurak 2002ko Azaroaren 22an egindako Udal Osoko Bilkuran, ondorengo Hirigintza Dokumentu-ari onarpena eman ziola jakinarazten da:

- Altuna eta Vergel Arkitektoek erredaktatutako Galtzaur-Anibar eta Errekabaxo, hain zuzen 4. Eta 5. Gune-ko Arau Subsidiarioetako elementuen Aurrierapenaren Aldaketa.

Hirigintzako Plangintzako Araudiaren 115 artikuluan xedatutakoa betez, jende aurrera zabaltzen da, hilabete batez, interesatuek egoki irizitako iradokizunak aurkeztu ahal izan ditzaten.

Astigarragan, 2002ko Abenduaren 2an.
ALKATEA
Eli Laburu Labaka

Astigarragako Udala
IRAGARKIA

Udal Osoko Bilkurak 2002ko Azaroaren 22an egindako Bilkuran, eta Korporazioko gehiengo osoko legalaren aldeko botuekin ondorengo Hirigintza Plangintza dokumentu-ari hasierako onarpena eman ziola jakinarazten da:

ESPE. ZBKA.: 2002HNSU0004
ESKATZAILA: GAILUR TOKI, S.L.
GAIA: HIRI ANTOLAMENDUKO ARAUEN ALDAKETA, 14 EREMUA-ERGOBIA IBILBIDEARI DAGOKIONA.

KOKAPENA: AREA 14, ERGOBIA IBILBIDEA
Espedientea hilabete bateko epean jendaurrean egongo da, bere onarpena Gipuzkoako Aldizkari Ofizialean argitaratzen den hurrengo egunetik kontatzen hasita.

Astigarraga, a.17./p.17.5
ALKATEA
Eli Laburu Labaka

BIERRIK ELKARTEAK KAZETARI

BAT KONTRATATU NAHI DU:

BALORATUKO DA:

- Euskara maila ona, idatziz eta ahoz.
- Quark, freehand eta fotoshop programen erabilera.
- Gidatzeko baimena.
- Curriculum.

ESKANTZEN DA:

- Lanaldi osoko lan-kontratua urtariletik aurrera.
- Interesatuek curriculuma Bierrik Elkarteko bulegoan aurkeztu, abenduaren 13a baino lehen.

BIERRIK ELKARTEA
Barrenkalde, 24
31810 URDIAIN (Nafarroa)
guaixe@topagunea.com